

感恩縣志卷之十

經政志

學制

學規

學制

明

洪武二十八年奏准歲貢初試不中者遣復學停廩肄業生員限次年再試廣東限兩年再試復不中者照例充吏

永樂二年令歲貢照二十五年例廣東限三月到部（阮通志）

宏治中南京祭酒章懋奏准於常貢外行選之法不分廩膳增廣生員通行精選充貢（明史選舉）

萬歷七年以海南兵備道兼管提學道其瓊州一帶師儒考試巡察任其便宜行事（阮通志）
清

康熙十五年始以廣東提學道巡試瓊府（府志）

感恩學生員歲科每考額取八名恩額撥府或有取時便無常額廩生二十名增生二十名武生

感恩縣志

卷十

經政

學制

一

海口海南書局承印

八名

拔貢生每十二年一舉學政於科考後合兩試優等生員考擇文行兼優者一名充之會同督撫

覆試貢入太學

副貢生以順天及各省鄉試取中副榜升入太學與拔貢同

歲貢生以廩膳生食餼年久者依序貢入太學三歲貢一人遇

國家覃恩以本歲正貢作為恩貢以需次待貢之生作為歲貢如縣學不值貢期俟應貢之年補行

優貢生由學憲選通省優生中招覆共取四名縣無常額

光緒三十年停止武試三十一年停止鄉會試及歲科兩試惟選貢照舊舉行至宣統三年末止

着各省府州縣廣設學校教授新學

宣統元年己酉八月考取每縣拔貢兩名恩額一名正額一名

庚戌二年廷試各府州縣選援貢生

辛亥三年末月廢督學使並各府州縣教官

民國改元省設教育廳縣設勸學所九十年間旋改勸學所爲教育局

學規

直省府州縣學明倫堂之左刊立順治九年頒行臥碑曉示生員文曰

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生當上報國恩下立人品所有條教開列於後

一生員之家父母賢智者當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣□官書所載忠臣事蹟務須互相講究凡利國愛民之事更宜留心一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者適以自殺其身宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司衙門不可輕入即有切己之事止許他人代告不許干與他人詞訟他人亦不許牽連生員作証

感恩縣志

卷十

經政

學規

二

海口海南書局承印

一爲學當尊敬先生若講授皆須誠心聽受如有未明從容再問毋妄行辨難爲師者亦當盡心教訓勿至怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十年頒行訓飭士子文及訓諭十六條雍正三年頒行廣訓萬言及朋黨論乾隆五年又頒行訓飭士子文每月朔望教官率諸生詣明倫堂行禮宣讀令諸生拱聽如居址稍遠者飭輪班入城恭聽宣讀其有唆訟抗糧緣事之生令於階下跪聽以示懲戒（學政全書）

凡生員不得充當書役入伍食糧及開設牙埠地方官不得強令生員充當社長凡總甲圖差之類一應雜色徭役例應優免倘於本戶之外別將族人借名濫充者仍將本生治罪生員不得抗糧逋賦違者褫革後全完准予開復或有將本身錢糧多立戶名花分詭寄拖延者治罪包攬錢糧侵收入己者褫革按贓定擬其有聚衆罷考挾制長官及關涉詞訟無故挺身作証並有巧構訟端潛身局外者均分別革懲生員所犯有應戒飭者地方官不得擅自扑責會

同教官具詳學政革訊治罪例貢例監亦會同教官扑責（會典）

凡監生生員撒撥嗜酒挾制師長不守監規學規及挾妓賭博出入官府起滅詞訟說事過錢包攬物料等項問發爲民治以應得之罪得贓者計贓從重論（律例）

康熙四十一年訓飭士子文

國家建立學校原以興行教化作育人材典至渥也朕臨御以來隆師重儒加意庠序近復慎簡學使釐剔弊端務期風教修明賢才師重庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有叙爾諸生幼聞庭訓長列宮牆朝夕誦讀寧無講究必也躬行實踐砥礪廉隅敦孝順以事親秉忠貞以立志窮經考道勿雜荒誕之談取師親友悉化驕盈之氣文章歸於風雅毋事浮華軌度式於規繩易防蕩佚子衿佻自昔所譏苟行止有虧雖讀書何益若夫宅心弗淑行己多愆或蜚說流言脅制官長或隱糧包訟出入公門或唆潑姦猾欺孤凌寡或招呼朋類結社邀盟乃如之人名教不容鄉黨切齒縱倖脫褫扑濫竊章縫反之於衷甯無愧乎况鄉會科名乃掄才大典關繫尤

感恩縣志

卷十

經政

規學

三

海口海南書局承印

重士子果有實學何患困不逢年顧乃標榜虛名暗通聲氣夤緣詭遇罔顧身家又改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績應後先疏附之選哉朕用嘉惠爾等故不禁反覆惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登進束帛弓旌不特爾身有榮卽爾祖父亦增光寵矣逢時得志寧俟他求哉若乃視爲具文玩愒勿傲毀方躍冶暴棄自甘則是爾等冥頑無知終不率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣司長皆有司鐸之責者並宜傳集諸生多方董勸以副朕懷否則職業勿修咎亦難追勿謂朕言之不預也爾多士尙敬聽之哉

聖諭十六條開列于後

敦孝弟以重人倫

篤宗祖以昭雍睦

和鄉黨以息爭訟

重農桑以足衣食

尙節儉以恤財用

隆學校以端士習

黜異端以崇正學

講法律以儆頑愚

明禮讓以厚風俗

務本業以定民志

訓子弟以禁非爲

息誣告以全善良

戒匿逃以免株連

完錢糧以省催科

聯保甲以弭盜賊

解仇忿以重身命

頒行訓飭士子文（乾隆五年）

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦見詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身

感恩縣志

卷十

經政

學規

四

海口海南書局承印

不能有志於學而君子以爲非士之罪也使教素明於上而學素講於下則士子固將有以用其力而豈有不免之患哉諸生苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉況卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日月應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

道光十九年欽頒四言韻文

惟天生民異質同性界以五常統乎百行自聖及凡無邪有正本體既明趨向乃定惟聖覺世振頑啓愚防以刑政廸以詩書雷霆傲戶日月照衢提撕引掖惟善之驅緬思古昔俗美化醇豆觴知義箕帚明倫以忠於上以孝於親里因仁美隣以德薰蓋惟先民正學是尙戶謹師承家遵蒙養行不履邪言不涉妄聖教既昌皇風斯暢聿有二氏曰老曰釋老主清淨釋宗寂滅爲教雖殊其旨則一今之異端乃襲其說嗟彼異端何獨非民不知父子不知君臣若飲狂樂如墮迷津離經畔道與匪爲鄰匪之不除邪說競作僞託師巫妄言禍福結會傳徒糾盟黨惡使我良民受其愚感惟民之愚見異思遷謂可成佛謂可昇仙教之不悟信之愈堅不惜軀命無論金錢嗟爾之累生自父母望爾承先待爾啓後達固爲榮窮亦可守奈何不肖被其脅誘嗟爾之財辛苦所餘軀非朝夕積日錙銖衣食所賴緩急是需奈何被惑罄其蓄儲今爲爾告爾其敬聽自來百邪不敵一正見睨雪消遇霜草隕身敗名隳曾不轉瞬不見異端男女同室廉恥道亡綱常理息如彼禽獸豈容天日一旦伏誅悔之無及不見異端茹素念經愚我黔首亂我儒衿生爲民蠹死受國刑殃禍不救祈祝無靈不見異端創立名號敢肆譁張自外覆譁翦鴟於林磔鼠在道曾不崇朝首領莫保前車可鑒覆轍當思何習其教更拜爲師念此蠢蠢哀我蚩蚩狂瀾不返疇其拯之乃

感恩縣志

卷十

經政

規學

五

海口海南書局承印

飭疆吏乃命守土爲爾去莠爲爾除蠹殄此虺蛇投彼豺虎一警迷途回歸覺路自今庶民各守爾義農服耕耘士修孝弟商阜其財工勤其藝莫作非爲永守勿替更告爾兵武藝爲先冠不在美衣不在鮮武勇旣備禮讓並嫻毋蹈非分永守勿愆矧今盛世何生不育化及昆蟲澤被草木飽煖有資俯仰具足幸生其時太平可樂勿干國憲勿犯王章各安本務共享平康秋田息蜡春社烹羊人其永壽天亦降祥

光緒二十七年七月十六日奉

上諭科舉爲掄才大典我朝沿用前明舊制以八股文取士名臣碩儒多出其中當時學者皆潛心經史文藻特其餘緒乃行之二百餘年流弊日深士子但視其弋取科名之具勦襲庸濫於經史大義無所發明急宜講求實學挽回積習況近各國交通智巧日闢尤貴博通中外儲爲有用之才所有各項考試不得不因時變通以資造就著自明年爲始嗣後鄉會試頭場試中國政治史事論五篇二場試各國政治藝學策論五道三場試四書義二篇五經義一篇考官閱卷合校三場以定去取不得偏重一場生童歲科二考仍先試經古一場專試中國政治史事及各國政治藝學策論正場試四書義五經義各一篇考試試差庶吉士散館

均用論一篇策 道進十朝考論疏殿試策問均以中國政治史事及各國政治藝學命題
以上一切考試凡四書五經義均不准用八股文程式策論均應切實敷陳不得仍前空衍
剽竊自此降旨之後皆爭白濯磨務以四書五經爲相本究心經濟九戒浮靡明體達用足
備器使庶副朝廷求治作人之王意所有各試場詳試章程及其餘各項考試未盡事宜著
禮部會同政務處妥議具奏欽此

二十七年七月十六日奉

上諭武科一途本因前明舊制相沿既久流弊滋多而所習硬弓刀石及馬步射皆與兵事無涉
施之今日亦無所用自應設法變通力求實際嗣後武生童考試及武科鄉會試著卽一律
永遠停止所有武舉人武進士均令投標學習其精壯之武生及向經應武之生童均准應
募入伍俟各省徧立武備學堂後再行酌定挑選考試章程以儲將材將此通諭知之欽此
二十七年八月初二日奉

上諭人才爲庶政之本作育人才端在修明學術三代以來學校之隆皆以德行道義爲重故其
時體用兼備賢才衆多近日士子或空疏無用或浮薄寡實今欲痛除此弊自非敬教勸學

感恩縣志

卷十

經政

學制

六

海口海南書局承印

無由感發興起除京師已設大學堂應行切實整頓外著將各省所有書院於省城均改設
大學堂各府廳直隸州均設中學堂各州縣均設小學堂並多設蒙養學堂其教法當以四
書五經綱常大義爲主以歷代史鑑及中外政治藝學爲輔務使心術端正文行交修博通
時務講求實用庶幾植基立本成德達材方副朕圖治作人之至意著各該督撫學政切實
通籌認真舉辦所有慎延師長妥定教規及學生卒業應如何選舉鼓勵一切詳細章程著
政務處咨行各省悉心酌議會同禮部覆覈具奉將此通諭知之欽此

二十九年十一月二十六日奉

上諭方今時事多艱興學育才實爲當務之急前經諭令張之洞會同管學大臣將學堂章程悉
心釐訂妥議具奉茲據會奏臚陳各摺片條分縷析立法尙屬周備著卽次第推行其有應
行斟酌損益之處仍著該學務大臣會同張之洞隨時詳核議奏至所稱遞減科舉及將來
畢業學生由督撫學政並簡放考官考試一節使學堂科舉合爲一途係爲士皆實學學皆
實用起見著自丙午科爲始將鄉會試中額及各省學額按照所陳逐科遞減俟各省學堂
一律辦齊確著成效再將科舉學額分別停止以後均歸學堂考取屆時候旨遵行卽著各

該督撫趕緊督飭各府廳州縣建設學堂並善爲勸導地方逐漸推廣無論官立民立皆當恪遵列聖訓士之規謹守範圍端正趨向不准沾染習氣誤入奇袤一切課程尤在認真講求毋得徒事皮毛有名無實務期教學相長成德達材體用兼賅以備國家任使有厚望焉將此通諭知之欽此

三十一年八月初四日奉

上諭袁世凱等奉請立停科舉以廣學校並妥籌辦法一摺三代以前選士皆由學校而得人極盛實我中國興賢育才之隆軌即東西洋各國富强之效亦無不本於學堂方今時局多艱儲才爲急朝廷以日昌科舉爲急務屢降明諭飭令各省督撫廣設學堂俾全國之人咸趨實學以備任使用意至爲深厚前因管學大臣等議奏當准將鄉會試中式分二科遞減茲據該督等奏稱科舉不停民間相率觀望推廣學堂必先停科舉等語所陳不爲無見著即自丙午科爲始所有鄉會試一律停止各省歲科考試亦即停止其以前之舉貢生員分別量予出路及其餘各條均着照所請辦理總之學堂本因學校之制其獎勵出身亦與科舉無異歷次定章原以修身讀經爲本各門科學又皆切於實用是在官紳申明宗旨聞風興

感恩縣志

卷十

經政

學制

七

海口海南書局承印

起多建學堂普及教育國家既獲樹人之益卽地方亦與有光榮經此次諭旨著學務大臣迅速頒發各種教科書以定指歸而宏造就並著責成各該督撫實力通籌嚴飭府廳州縣趕緊於城鄉各處偏設蒙小學堂慎選師資廣開民智其各認真研究隨時考察不得少行瞻徇致滋流弊務期進德修業體用兼賅以副朝廷勸學作人之至意欽此

宣統元年三月二十六日奉

上諭學部奏酌量變通初等小學堂章程并原有小學簡易科酌擬兩類辦法以期學徒日多教育漸臻普及繕單呈覽一摺所奏尙屬切實易行著各省督撫督率提學使無論官學私塾均當遵照此序定章分別地方情形切實舉辦並隨時派員認真考核嗣後辦學官紳如再有因循欺飭不遵章程者卽由學部查明嚴行參處務期學校日興民智日啓以仰副朝廷敷教牖民之至意餘依議欽此

直督袁等奉請立停科舉推廣學校摺竊惟科舉之弊古今人言之綦詳而科舉之阻礙學堂妨誤人才臣世凱臣之洞等亦迭經奏陳久在聖明昭鑒之中無煩縷述以瀆宸聽是以前奉諭旨遞減科舉中額期以三科減盡十年之後取士概歸學堂固已明示天下以作新之

基而徐俟夫時機之至所以爲興培才計者用意至爲深遠_臣等默觀大局熟察時趨覺現在危迫情形更甚曩日竭力振作實同一刻千金而科舉一日不停士人皆有僥倖得第之心以分其砥礪實修之志民間更相率觀望私立學堂者絕少又斷非公家財力所能普及學堂決無大興之望就目前而論縱使科舉立停學堂徧設亦必湏十數年後人才始盛如再遲至十年甫停科舉學堂有遷延之勢人才非急切可成又必湏二十餘年後始得多士之用強隣環伺詎能我待近數十年來各國盼我維新勸我變法每疑我拘牽舊習譏我首鼠兩端羣懷不信之心未改輕侮之意轉瞬日俄和議一定中國大局益危斯時必有殊常之舉動方足化羣疑而消積侮科舉夙爲外人詬病學堂最爲新政大端一旦毅然決然舍其舊而新是謀則風聲所樹觀聽一傾羣且刮目相看推誠相與而中國士子之留學外洋者亦知進身之路歸重學堂一途益將勵志潛修不爲邪說浮言所惑顯收有用之才俊隱戢不虞之詭謀所關甚宏收效甚鉅且設立學堂者並非專爲儲才乃以開通民智爲主使人人獲有普及之教育具有普通之智能上知效忠爲國下得自謀其生也其才高者固足以佐治理次者亦不失爲合格之國民兵農工商各完其義務而分任其事業婦人孺子亦不

使逸處而興教於家庭無地無學無人無學以此致富奚不富以此強國奚不强故不獨普之勝法日之勝俄識者皆歸其功於小學校教師卽其他文明之邦強盛之原亦孰不基於學校而我國獨相形見絀者則以科舉不停學校不廣士心旣莫能堅定民智復無由大開求其進化日新也難矣故欲補救時艱必自推廣學校始而欲推廣學校必自先停科舉始擬請宸衷獨斷雷厲風行立沛綸音停罷科舉庶幾廣學育才化民成俗內定國是外服強隣轉危爲安胥基於此雖然科舉停矣尙有切要之辦法數端而學堂乃可相維於不敝一在尊經學也或慮科舉一停將至荒經不知習舉業者未必甚湛深經術但因科場題目所在不得不記誦經文又因詞章敷佐之需不得不掇拾經字故自四書五經而外他經多束置不觀卽五經亦不皆全讀讀者亦不能盡解是何與於傳經今學堂奏定章程首以經學根柢爲重小學中學均限定讀經講經溫經晷刻不准減少計中學畢業共需讀過十經並通大義而大學堂通儒院更設有經學專科餘如史學文學理學諸門凡舊學所有者皆包括無遺且較爲詳備蓋於保存國粹尤爲兢兢所慮辦學之人喜新厭故不知尊經則雖諸生備諳各種科學亦謹造成一汎濫無本之人才何濟於用應請飭下各省撫督學政責成

辦理學務人員注意經學暨國文國史則舊學非但不虞荒廢抑且日見昌明一在於崇品行也查科場試士但憑文字之短長不問人品之賢否是以暗中摸索最足爲世詬譏今學堂定章於各科學外另立品行一門用積分法與各門科學一體考核同記分數共分言語容止行體作事交際出遊六項隨處稽察第其等差至考試時亦以該生平日品行分數併計合算亟應中明定章請飭各省認真遵辦則人人可期達材放德自不至於越矩侷規一師範宜速造就也各省學堂之不多患不在無款無地而在無師應請旨切飭各省多派中學已通之士出洋就學分習速成師範及完全師範兩種尤以多派舉貢生員爲善並於各省會多設師範傳習所師資既富學自易興此爲辦學入手第一要義不可稍涉遲緩一未畢業之學生暫勿率取也各省設立學堂遲早不一程度不齊或卒業有期或畢課尙早若不待畢業驟加考試則苟且速化弊將日滋若必待全行畢業則各省之辦學較遲者必至缺具選舉士林又將失望今籌一通融辦法既不同科舉之敷衍故事亦不向學堂而遷就濫登要使取士仍歸學堂之中學堂不蹈科舉之弊擬請此數年內除學堂實係畢業者屆期奏請考試外其餘則專取已經畢業之簡易科師範生予以舉人進士出身既可以勸教

育之員擴興學之基並隱以勵績學而杜倖進外國無速成小中高等各學而有速成師範學具有深意至五年以後完全師範生畢業者已多更足以應選舉而有餘此等師範生類皆國文已優學術純謹斷無流弊且多係舉貢生員爲之本可以得科第之人亦非僥倖迨十年以後各省學堂逐漸畢業人才濟濟更不可窮於用一舊學應舉之寒儒宜籌出路也文士失職生計頓蹙年壯才敏者入師範學堂外其不能爲師範生者賢而安分則困窮可憫不肖而無賴或至爲非生事亦甚可憂擬請十年三科之內各省優貢照舊舉行己酉科拔貢亦照舊辦理皆仍於舊學生員中考取其已入學堂者照章不准應考惟優貢之額過少擬請按省分之大小酌量增加分別錄取朝考後用爲京官知縣等項三科後卽行請旨停止其已中舉人五貢者此三科內擬令各省督撫學政每三年一次保送舉貢若干名略照會試中額加兩三倍送京考試凡算學地理財政兵事交涉鐵路鑛務警察外國政法等事但有一長皆可保送俟考試時分別去取試以經義史論一場專門學一場共兩場其取定者酌量用爲主事中書學正知縣等官如此則鄉試雖停而生員可以得優拔貢會試雖停而舉貢可以考官職正科舉之名專歸於急需之學堂廣登進之途藉恤夫舊學之寒士

庶乎平允易行各得其所少長同臻於有用新舊遞嬗於無形矣以上五條皆停科舉後最爲切要之端而行之可期無弊應請一併飭下各省督撫學政切實遵辦至各省學堂未辦者宜從速提倡已辦者宜極力擴充以及各堂學生之良莠與夫辦理學務人員之功過均應隨時認真考察分別勸懲亦皆各省督撫學政所不得稍辭其責者也其一切學堂畢業考試暨簡放考官等事自應悉遵奏定章程辦理_臣等爲補救時艱妥籌辦法起見往復商榷意見相同是否有當謹合詞恭摺具陳謹奏

學部咨覆禮部考試優拔及保送舉貢並分別學生與考文（光緒三十四年某月某日）

准禮部片開光緒三十一年八月升任直隸總督袁世凱等奏請停科舉摺內聲明舊學應舉之寒儒宜籌出路擬請十年三科之內各省優貢照舊舉行已酉科拔貢亦照舊辦理皆仍於舊學生員中取其已入學堂者照章不准應考又三十二年二月政務處奏准章程內開擬請已酉科舉行拔貢照向額加倍考取本年丙午即係考取優貢之年以後每三年舉行一次各省均照例額加四倍考取以惠寒畯均於壬子年一律停止學堂學生仍照原奏不准與考又三十三年十月准雲貴總督咨稱查學部官報第四期文牘載有本部咨政務

處擬如閩督所請速成簡易各生一律考試優拔辦理持平是速成法政畢業生員與簡易師範畢業生員例得考試優拔又查滇省上年保送舉貢赴京考試既有游學日本速成師範畢業之舉人又有曾入法政學堂尙未畢業之舉貢等是曾學法政之舉貢得與曾學速成簡易各師範之舉貢同膺保送擬請此後已酉壬子兩屆保送舉貢及錄取優拔職員遇有法政講習科畢業之舉貢生員或法政別科畢業之舉貢生員必儘先保送儘先取錄通省舉貢生員必有聞風興起爭入法政講習科及別科者爲此分咨學部禮部立案示覆各等因前來查例開拔貢每十二年一舉行由國子監題請旨下行各省學政考選語現在國子監歸併貴部並由貴部會同本部奏明劃定考試界限舊學舉貢生員應歸本部辦理明年已酉各省應考選優拔由本部先期具奏旨下行知各省督撫轉飭提學使考選除由學堂出身之廩增附生及舊學廩增附生已由學堂得有獎叙者均照章不准考試外查法政學堂之設立係在奏定章程以後凡入講習科及別科者畢業後均未定有獎勵應否與法政速成科師範簡易科畢業生均准其考試優拔及保送舉貢既已分咨貴部希即酌核賜覆此外入何項學堂人員准其與考應一併詳細查明聲覆過部以憑辦理等因查法政學堂

別科三年畢業法政講習科畢業年限多至一年半而止現在本部正擬另定別科講習科獎勵章程應俟具奏奉旨後再行知照禮部核辦至師範簡易科約分二種一爲二年以上之簡易科一爲不足二年之簡易科查二年以上之簡易科最優等優等定有獎勵專章且有義務年限亦難准其與考惟中等以下及不足二年者均未定有獎勵專章自應與速成科學生一律辦理准其考試至各項學堂畢業考列下等者除中學堂下等仍給予優廩生得有獎勵外其餘各項學堂有係舊日舉貢生員在本學堂考列下等並未得有獎勵且實係未升入程度較高學堂肄業者應准其一律與考以昭公允相應咨行貴部查照辦理可也

案廢科舉興學校奏論最多擇其要者錄之